

# STATUT

## I SHOQËRISË TREGTARE ME PËRGJEGJËSI TË KUFIZUAR

### “PAMM Studio” Sh.p.k

#### KREU -I-

##### Pjesa e përgjithshme

Ky statut, akti i themelimit dhe Ligji Nr. 9901, datë 14.04.2008, “Për Tregtarët dhe Shoqëritë Tregtare”, rregullon marrëdhëniet e ortakut të shoqërisë tregtare me përgjegjësi të kufizuar “PAMM Studio” Sh.p.k

#### KREU -II-

##### Emri, Forma, Zyra Qendrore, Objekti i Veprimtarisë, Kohëzgjatja, Degët dhe Zyrat e Përfaqësimit, Përgjegjësia e Ortakëve

#### NENI 1

##### Emri

Shoqëria tregtare mban emrin “PAMM Studio”.

Ndryshimi i emrit të shoqërisë mund të bëhet vetëm me vendim të Ortakut të shoqërisë.

#### NENI 2

##### Forma

Shoqëria tregtare “PAMM Studio” SHPK, ka formën e një shoqërie me përgjegjësi të kufizuar. Biznes i vogël

#### NENI

##### Zyra Qendrore

**3.1** Shoqëria tregtare me përgjegjësi të kufizuar “PAMM Studio” SHPK, do të ketë zyrën e saj qendrore në Tiranë, Shqipëri, me adresë:

**Rruga “Reshit Collaku”, Ndertesa 24, Hyrja 2, Ap 12, Tirane**

**3.2** Ndryshimi i zyrës qendrore të shoqërisë mund të bëhet vetëm me vendim të Ortakut të shoqërisë.



**NENI 4**  
**Objekti i Veprimtarisë**

**4.1** Objekti i veprimtarisë së shoqërisë do të jetë :

- a. Në fushën e shërbimeve të marketingut mediatik; çdo forme vizuale, të printuar, dixhitale si edhe përmes internetit.
- b. Në fushën e shërbimeve për krijimin dhe menaxhimin e reklamave dixhitale të bizneseve të ndryshme ose produkteve të tyre
- c. Në organizimin e panairëve, eventeve të ndryshme si edhe aktiviteteve festive dhe promovuese brenda dhe jashtë territorit të Shqipërisë
- d. Në fushën e ndërmjetësimit për shitblerjen dhe qiradhënien e pasurive të patundëshme.
- e. Në fushën e ndërtimeve, rikonstruksioneve, mirëmbajtjen e godinave, banesave dhe ambienteve të ndryshme banimi, komerciale dhe industriale private dhe publike
- f. Në fushën e administrimit, pastrimit dhe mirëmbajtjen e objekteve dhe godinave të ndryshme banimi e komerciale
- g. Në çdo fushë dhe aktivitet tjetër tregtar që lejon ligji dhe përfshihet në veprimtaritë e shoqërive me përgjegjësi të kufizuar, sh.p.k.

**NENI 5**  
**Kohëzgjatja**

Kohëzgjatja e aktivitetit të shoqërisë “PAMM Studio” SHPK do të jetë e pacaktuar.

**NENI 6**  
**Degët dhe Zyrat e Përfaqësimit**

Shoqëria tregtare “PAMM Studio” SHPK mund të hapë degë të saj ose zyra përfaqësimi brenda ose jashtë vendit.

**NENI 7**  
**Përgjegjësia e Ortakëve**

Ortaku nuk përgjigjet për detyrimet e shoqërisë “PAMM Studio” SHPK dhe mbulon personalisht humbjet e shoqërisë deri në pjesën e pashlyer të kontributeve të nënshkruara prej tij.



**KREU III**  
**Kapitali i Regjistruar dhe Kuotat,  
Zmadhimi dhe Zvogëlimi i Kapitalit, Kalimi i Kuotave të Kapitalit**

**NENI 8**  
**Kapitali i Shoqërisë dhe Kuotat**

**8.1** Kapitali i shoqërisë me përgjegjësi të kufizuar "PAMM Studio" SHPK është 100 000 (Një qind mijë) lekë, i gjithi i nënshkruar dhe i shlyer prej ortakut.

**8.2** Ortaku ka kontribuar dhe zotëron në kapitalin e shoqërisë 1 kuote me vlerë 100 000 (Një qind mijë) lekë, e cila përbëjnë 100 % të kapitalit të shoqërisë,

**NENI 9**  
**Zmadhimi i Kapitalit të Regjistruar**

**9.1** Kapitali i regjistruar i shoqërisë mund të zmadhohet pa kufi, një ose disa herë, me vendim të Ortakut të vetëm.

**NENI 10**  
**Zvogëlimi i Kapitalit të Regjistruar**

**10.1** Shoqëria mund të zvogëlojë kapitalin e regjistruar me vendim të Ortakut të vetëm. Në çdo rast, kapitali i regjistruar i shoqërisë nuk mund të zvogëlohet nën minimumin e kërkuar nga ligji.

**NENI 11**  
**Kalimi i Kuotave të Kapitalit të Regjistruar**

**11.1** Kuotat e kapitalit mund të kalohen tërësisht ose pjesërisht pa asnjë kufizim në ortakë të rinj të shoqërisë.

**11.2** Kuotat e kapitalit mund t'u kalohen tërësisht ose pjesërisht të tretëve që nuk bëjnë pjesë në shoqëri me kushtëzimin e mëposhtëm:

- a. Ortakët e shoqërisë kanë të drejtën e parablerjes për kuotën që dëshiron të shesë njëri prej ortakëve të shoqërisë.
- b. Ortaku që dëshiron të shesë kuotën e tij ia ofron atë ortakëve të tjerë nëpërmjet administratorit.
- c. Ortakët e tjerë kanë të drejtën e parablerjes së kuotës me të njëjtat kushte dhe me të njëjtin çmim që ortaku mund t'ia shesë këtë kuotë një të treti që nuk bën pjesë në shoqëri.



d. Brenda 15 (pesëmbëdhjetë) ditëve nga dita e paraqitjes së ofertës, ortakët e tjerë duhet të përgjigjen për ushtrimin e të drejtës së parablerjes ose, në të kundërt, do të konsiderohet se ata kanë hequr dorë prej saj.

e. Në rast se ortakët që do të ushtrojnë të drejtën e parablerjes janë më shumë se një, kuota ndahet ndërmjet tyre në pjesë të barabarta.

**11.3** Të gjitha njoftimet në funksion të zbatimit të këtij neni do të bëhen me shkrim me letër të porositur (rekomande).

#### **KREU IV**

### **Organet e Shoqërisë**

#### **NENI 12**

### **Asambleja e Përgjithshme**

Organi vendimmarrës i shoqërisë është **Asambleja e Përgjithshme**.

#### **NENI 13**

### **Të Drejtat dhe Detyrimet e Asamblesë së Përgjithshme**

Asambleja e Përgjithshme është përgjegjëse për marrjen e vendimeve për shoqërinë në lidhje me çështjet e mëposhtme:

- a. Përcaktimin e politikave tregtare të shoqërisë;
- b. Ndryshimet e statutit;
- c. Emërimin dhe shkarkimin e administratorëve;
- d. Emërimin dhe shkarkimin e likuiduesve dhe të ekspertëve kontabël të autorizuar;
- e. Përcaktimin e shpërblimeve, për administratorët, likuiduesit dhe ekspertët kontabël të autorizuar;
- f. Mbikëqyrjen e zbatimit të politikave tregtare nga administratorët, përfshi përgatitjen e pasqyrave financiare vjetore dhe të raporteve të ecurisë së veprimtarisë;
- g. Miratimin e pasqyrave financiare vjetore dhe të raporteve të ecurisë së veprimtarisë;
- h. Zmadhimin dhe zvogëlimin e kapitalit;
- i. Pjesëtimin e kuotave dhe anulimin e tyre;
- j. Blerjen dhe shitjen e asetëve dhe pasurive të paluajtshme të shoqërisë;
- k. Marrjen e kredive nga shoqëria me vlerë më të madhe se 50.000 (pesëdhjetë mijë) Euro (apo shuma me të njëjtën vlerë por të shprehura në monedhë tjetër), e marrë kjo shumë në tërësi ose e fraksionuar, por që i referohet të njëjtës kontratë;
- l. Përfaqësimin e shoqërisë në gjykatë dhe në procedimet e tjera ndaj administratorëve;
- m. Riorganizimin dhe prishjen e shoqërisë;
- n. Miratimin e rregullave procedurale të mbledhjeve të asamblesë;
- o. Shpërndarjen e fitimeve vjetore dhe mbulimin e humbjeve;
- p. Anulimin e kuotave;
- q. Largimin ose përjashtimin e ortakut.



## **NENI 14**

### ***Mbledhja e Asamblesë së Përgjithshme***

**14.1** Asambleja e Përgjithshme mbledhet në rastet e përcaktuara nga ligji dhe nga ky statut, sa herë që mbledhja është e nevojshme për të mbrojtur interesat e shoqërisë.

**14.2** Mbledhja e Asamblesë së Përgjithshme thirret të paktën një herë në vit.

**14.3** Asambleja e Përgjithshme thirret nga Administratori ose nga një ose disa ortakë që përfaqësojnë të paktën 5% (pesë përqind) të totalit të votave në Asamblenë e Përgjithshme.

**14.4** Njoftimet për mbledhjen e Asamblesë së Përgjithshme do të dërgohen në adresat përkatëse të anëtarëve të asamblesë

Dërgimi i njoftimit në këto adresa do të konsiderohet si njoftim i kryer rregullisht.

Ortakët e shoqërisë janë të detyruar të depozitojnë me shkrim dhe regjistrojnë në Librin e Ortakëve, pranë administratorit të shoqërisë, çdo ndryshim të adresës në të cilën do t'i dërgohet letra e porositur (rekomande) dhe adresës së postës elektronike.

**14.5** Ortakët do të njoftohen për mbledhjen e Asamblesë së Përgjithshme me anë të një letre të porositur (rekomande) ose postës elektronike, e cila u dërgohet në adresën që rezulton nga Libri i Ortakëve, të paktën 7 (shtatë) ditë përpara datës së caktuar për mbledhjen e Asamblesë.

**14.6** Njoftimi për mbledhje duhet të përmbajë vendin, datën, orën e mbledhjes dhe rendin e ditës. Për tërheqjen e dokumentacionit që do të shqyrtohet në mbledhje ortakët mund t'i drejtohen me shkrim administratorit ose mund t'i tërheqin në selinë e shoqërisë.

**14.7** Kur Asambleja e Përgjithshme nuk është thirrur sipas mënyrës së mësipërme ajo mund të marrë vendime të vlefshme vetëm nëse të gjithë ortakët e shoqërisë janë të pranishëm në mbledhje ose të përfaqësuar dhe janë dakord për të marrë vendime, pavarësisht parregullsisë së thirrjes.

**14.8** Njoftimi për mbledhje, në rast se në rendin e ditës përfshihen çështje për të cilat kërkohet një votim me shumicë të cilësuar, do të bëhet me të dyja mënyrat, si me letër të porositur (rekomande) ashtu edhe me postë elektronike.

**14.9** Asambleja do të quhet e vlefshme që në mbledhjen e parë. Në rast se një nga ortakët paraqet një kërkesë për shtyrje për një shkak të arsyeshëm, ortakët e tjerë prezent me konsensus do të përcaktojnë datën kur do të mbahet mbledhja tjetër, gjë e cila do të pasqyrohet në një procesverbal. Caktimi i kësaj date nuk përjashton detyrimin e personit që ka thirrur mbledhjen për të njoftuar ortakët që mungojnë, për datën e re të mbledhjes.

**14.10** Mbledhja e Asamblesë së Përgjithshme mund të mbahet në selinë e shoqërisë, në zyrën e shoqërisë në Tiranë ose në një vend tjetër të përcaktuar me vendim të Asamblesë së Përgjithshme.

## **NENI 15**

### ***Pjesëmarrja në Vendime***

**15.1** Çdo ortak ka të drejtë vote në përpjesëtim me kontributin e tij në kapitalin e shoqërisë.



**15.2** Çdo ortak mund të përfaqësohet në Asamblenë e Përgjithshme nga një ortak ose nga një person i tretë, në bazë të një autorizimi. Ky autorizim mund të jepet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.

**15.3** Ortaku nuk mund të përfaqësohet në Asamblenë e Përgjithshme nga Administratori.

## **NENI 16**

### ***Kuorumi***

**16.1** Për marrjen e vendimeve të cilat kërkojnë një shumicë të zakonshme Asambleja e Përgjithshme vendos me shumicën e votave të ortakëve pjesëmarrës. Në këto raste mbledhjet e Asamblesë së Përgjithshme do të quhen të vlefshme në rast se në to marrin pjesë personalisht ose janë të përfaqësuar ortakët që zotërojnë më shumë se 50% të kuotave të kapitalit të shoqërisë.

**16.2** Asambleja e Përgjithshme vendos me  $\frac{3}{4}$  e votave të ortakëve pjesëmarrës në mbledhje për shpërndarjen e fitimeve, largimin e ortakut, marrjen e kredive nga shoqëria me vlerë më të madhe se 10 000 (Dhjetë mijë) Euro (apo shuma me të njëjtën vlerë por të shprehura në monedhë tjetër) e marrë kjo shumë në tërësi ose e fraksionuar, por që i referohet të njëjtës kontratë dhe për të gjitha çështjet e tjera të parashikuara nga ligji dhe për të cilat kërkohet një shumicë e cilësuar.

**16.3** Asambleja e Përgjithshme vendos me unanimitet të gjithë ortakëve për ndryshimin e statutit, zmadhimin ose zvogëlimin e kapitalit të regjistruar, riorganizimin dhe prishjen e shoqërisë, blerjen dhe shitjen e asetëve dhe pasurive të paluajtshme të shoqërisë.

## **NENI 17**

### ***Procesverbali i Mbledhjes***

Të gjitha vendimet e Asamblesë së Përgjithshme duhet të regjistrohen në procesverbal. Procesverbali përmban datën, vendin e mbledhjes, rendin e ditës, emrin e Kryetarit të Mbledhjes, emrin e Mbajtësit të Procesverbalit, rezultatet e votimit.

Për mbajtjen e procesverbalit, Kryetari i Mbledhjes cakton një Mbajtës Procesverbali, i cili mund të mos jetë ortak. Procesverbali i mbledhjes nënshkruhet nga Kryetari i Mbledhjes dhe Mbajtësi i Procesverbalit.

Procesverbalit i bashkëngjitet lista e pjesëmarrësve dhe njoftimi i mbledhjes së Asamblesë së Përgjithshme.

## **NENI 18**

### ***Administratori***

**Administratori** është organi ekzekutiv i shoqërisë.

Shoqëria administrohet nga një administrator që emërohen dhe shkarkohen nga Asambleja e Përgjithshme. Administratori i parë të shoqërisë do të jetë z. Sokol Shkodra

Afati i emërimit është 5 vjet me të drejtë ripërtëritje.

Administratori ka të drejtë dhe detyrohen që të:



- a. Kryejë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
  - b. Përfaqësojë shoqërinë tregtare;
  - c. Kujdesen për mbajtjen e saktë e të rregullt të dokumenteve dhe të librave kontabël të shoqërisë;
  - d. Jep çdo muaj informacion ortakëve të shoqërisë për ecurinë e veprimtarisë së shoqërisë, ku përfshihet aktiviteti financiar, teknik, ligjor etj.
  - e. Përgatit dhe nënshkruan bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara Asamblesë së Përgjithshme për miratim;
  - f. Krijojë një sistem paralajmërimi në kohën e duhur për rrethanat që kërcënojnë mbarëvajtjen e veprimtarisë dhe ekzistencën e shoqërisë;
  - g. Kryejë regjistrimet dhe dërgon të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
  - h. Raportojë përpara Asamblesë së Përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e Shoqërisë tregtare;
  - i. Të mbajë librin e adresave të ortakëve të shoqërisë;
  - j. Përgjigjen për ruajtjen e kopjeve të procesverbaleve të mbledhjeve të Asamblesë së Përgjithshme;
  - k. Kryejë detyra të tjera të përcaktuara në ligj dhe në statut.
- Administratori do të kryejnë të gjitha veprimet për administrimin e shoqërisë. Administratori mundet që të delegojë nëpërmjet prokurave të posaçme tagrat e administrimit tek persona të tretë punonjës të shoqërisë.

## **KREU V**

### ***Eksperti Kontabël, Viti Financiar dhe Bilanci Vjetor, Shpërndarja e Fitimeve***

## **NENI 19**

### ***Eksperti kontabël***

Nëse është e nevojshme ose kërkohet nga ligji, kontrolli i bilancit financiar dhe i librave të kontabilitetit të Shoqërisë do t'i besohet një ekspertit kontabël te autorizuar, të emëruar nga Shoqëria.

## **NENI 20**

### ***Viti Financiar dhe Bilanci Vjetor***

Viti financiar fillon më 1 janar dhe mbaron më 31 dhjetor. Bilanci vjetor, inventari, raporti i ecurisë së veprimtarisë dhe raporti i ekspertit kontabël të autorizuar, miratohen nga Asambleja e Përgjithshme. Dokumentet që kanë të bëjnë me ushtrimin e vitit financiar do të miratohen brenda 6 (gjashtë) muajve nga përfundimi i vitit financiar.



**NENI 21**  
***Shpërndarja e Fitimeve***

Ortakët kanë të drejtë të ndajnë pjesën e fitimit të deklaruar në pasqyrat financiare të shoqërisë. Fitimi u shpërndahet ortakëve në raport me kuotat e zotëruara.

Shoqëria mund t'u shpërndajë fitime ortakëve vetëm nëse pas pagimit të dividendëve:

- aktivet e shoqërisë mbulojnë tërësisht detyrimet e saj;
- shoqëria ka aktive likuide të mjaftueshme për të shlyer detyrimet që bëhen të kërkueshme brenda 12 muajve në vazhdim.

**KREU VI**  
***Riorganizimi i Shoqërisë, Prishja dhe Likuidimi i Shoqërisë, Largimi dhe Përrjashtimi i Ortakëve***

**NENI 22**  
***Riorganizimi i Shoqërisë***

Shoqëria mund të riorganizohet nëpërmjet bashkimit me një shoqëri tjetër, ose nëpërmjet ndarjes në dy apo më shumë shoqëri të tjera ose nëpërmjet shndërrimit të formës ligjore.

Riorganizimi i shoqërisë mund të bëhet vetëm me vendim të Asamblesë së Përgjithshme.

**NENI 23**  
***Prishja dhe Likuidimi i Shoqërisë***

**23.1** Shoqëria priset në rastet e parashikuara nga ligji ose me vendim të Asamblesë së Përgjithshme.

Shoqëria nuk priset në rast humbje të zotësisë, vdekje ose falimentimi të njërit prej ortakëve. Në rast prishje shoqëria do t'i nënshtrohet procedurës së likuidimit.

**23.2** Për procedurën e likuidimit të Shoqërisë do të aplikohet legjislacioni shqiptar në fuqi.

**NENI 24**  
***Largimi dhe Përrjashtimi i Ortakëve***

Asambleja e Përgjithshme mund të marrë vendim për largimin ose përrjashtimin nga shoqëria të një ortaku.

Për largimin ose përrjashtimin e ortakut do të zbatohen dispozitat ligjore të Ligjit Nr. 9901, datë 14.04.2008, "Për tregtarët dhe shoqëritë tregtare".

**KREU VII**  
***Dispozita të Fundit***

**NENI 25**

Të gjitha mosmarrëveshjet midis ortakëve duhet të zgjidhen me mirëkuptim.



Në rastet kur ato nuk mund të zgjidhen me mirëkuptim secili prej ortakëve ka të drejtë t'i drejtohet për zgjidhje gjykatës kompetente.

#### **NENI 26**

Për sa nuk është parashikuar në këtë Statut do të aplikohet Ligji Nr. 9901, datë 14.04.2008, "Për Tregtarët dhe Shoqëritë Tregtare", si dhe Legjislacioni shqiptar në fuqi.

***Ky Statut hartohet dhe firmoset në 4 (katër) origjinale në gjuhën shqipe, të gjitha me të njëjtën vlerë ligjore.***

***Tiranë më 11.01. 2021***

**ORTAKU THEMELUES**

**Sokol Shkodra**

*Sokol Shkodra*  
